



Publicaziuns dalla vischnaunca, jamna 25

Resultat dalla votaziun communal da dils 18-06-2023

Diember dils votants: 1'469
Participaziun alla votaziun: 67.6%

Credit da maximalmein frs. 390 000.– per la realisaziun dil project «la pendentia»

Dau giu cedels: 993
Cedels vits: 4
Cedels nunvaleivels: 4
Total cedels vits e nunvaleivels: 8
Cedels valeivels: 985

GIE: 448 (45%)

NA: 537 (55%)

Dretg da recuors

Sebasond sin art. 37 dalla lescha communal davart ils dretgs politics sa vegnir recurriu encunter la votaziun communal da dils 18 da zercladur 2023 enteifer 3 dis dapi ch'il motiv da recuors ei vegnius constataus, sil pli tard denton il tierz di suenter la publicaziun uffiziala dils resultats. Il recuors ei d'inoltrar alla suprastanza communal.

Disentis/Mustér, ils 18 da zercladur 2023
Suprastanza communal

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2023-1018.001

Recal AG, Via dalla Stampa 8, 7180 Disentis/Mustér; *midada da project*: niev implont da scaldar a distanza, parcella 3991, Via Prau 4, 7180 Disentis/Mustér.

Nr. 2023-1033.000

Theodosius Sialm, Via Iert 6, 7186 Segnas; niev cundrez fotovoltaic en fuorma d'ina seiv, parcella 112, Via Iert 6, 7186 Segnas.

Nr. 2023-1036.000

Vischnaunca Disentis/Mustér, Via Cons 2, 7180 Disentis/Mustér; *emprema etapa*: prolungaziun dil passapei, nova scaffa da repartiziun dalla forza electrica, niev «Pump park» ed adattaziun dall'illuminaziun publica e dallas bandieras, nova petgas pil transparent sur via cantunala, parcella 1351, Via Alpsu 51 (Fontauna), 7180 Disentis/Mustér.

Nr. 2023-1043.000

Rico Kùmin, Tramstrasse 123, 5034 Suhr; *procedura posteriura*: niev indrez da sauna el liber, parcella 1236, Via Plauncas 6, 7180 Disentis/Mustér.

Nr. 2023-1045.000

Immo Huonder AG, Via Pignola 5, 7180 Disentis/Mustér; construcziun nova d'in edifeci da commerci (Einstellhalle), parcella 181 (3873), Via Pignola 5, 7180 Disentis/Mustér.

Nr. 2023-1047.000

Hans Jürg Lehmann-Bernasconi, Via Muschnas 2, 7186 Segnas; construcziun nova d'in carport e *procedura posteriura* per ina suschna da lenna, parcella 137, Via Muschnas 2, 7186 Segnas.

Uffeci da baghegiar Disentis/Mustér



Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziav il suandonts projects:

Nr. 2023-2040.000

Alp Cavrein, c/o Martin Lutz-Derungs, Via Disla 23, 7180 Disentis/Mustér; plazzar in container mobil temporar, parcella 2544, Alp Cavrein, 7180 Disentis/Mustér.

Nr. 2023-2041.000

Urs e Christiane Braun, Wildenstrasse 47, 6317 Oberwil bei Zug; niev indrez fotovoltaic sin tetg, parcella 3630, Via Plauncas 14, 7180 Disentis/Mustér.

Uffeci da baghegiar Disentis/Mustér

Inauguraziun dalla senda Cuolm da Vi – Stgeinas

Dumengia, ils 2 da fenadur 2023 vegn la senda nova Cuolm da Vi – Stgeinas surdada festivamein a siu intent. Il program da fiasta sepresenta suandontamein:

10.30

– partenza cun la cabina naven da Salins a Cuolm da Vi

11.00

– beinvegni e plaid festiv entras il president communal
– plaid dil president dil cussegl d'administraziun dallas pendicularas Mustér SA Marcus Weber
– aperitiv

11.30–14.00

– gentar cun risotto
– accumpignament musical

14.30

– viadi viers Caischavedra

Ca. 16.00

– descensiun cun la pendiculara viers Mustér

Cordialmein envidan

Vischnaunca da Mustér e Pendicularas Mustér SA

Center da rimnada a Raveras – Novas uras d'avertura

Naven dils 26 da zercladur 2023 ei il center da rimnada a Raveras aviarts sco suonda:

– gliendisdis - venderdis dallas 12.00 entochen allas 17.00

– sonda dallas 8.00 entochen allas 11.00

Gronds quantums da rufids blocconts ni rufids da baghegiar ein da dismetter alla deponia a Rueun ni sur ina fatschenta specialisada per quei intent. Nus supplichein da mintgamai purtar pigns quantums rufid bloccont a Raveras.

Dapi igl 1. da zercladur dat ei buca pli las muldas da rimnada da rufid bloccont e lenna. Tals rufids vegnan rimnai cun ina nova stadera e pressa. Tier quella stadera sa vegnir pagau cun carta dad EC, carta da credit e Postfinance. Il pagament via Twint ei pil mument deactivaus, ei vegn luvrau vid ina sligiazun.

Bien engraziament per Voss'enconuschienscha.

Uffeci d'infrastructura e baghegiar



Biblioteca populara Disentis/Mustér e contuorn

Preziada clientella. Nus selegrein d'era astgar esser cheu per Vus duront las vacanzas da stad. **Naven da gliendisdis, ils 26-6-2023 entochen venderdis, ils 11-8-2023** ei nossa biblioteca mintgamai aviarta sco suonda: gliendisdis e venderdis dallas 17.30 – 20.00.

Naven da gliendisdis, ils 14-8-2023 (entschatta dalla scola) ei la biblioteca puspei aviarta 4 gadas per jamna. Nus giavischein a Vus bialas vacanzas e selegrein sin Vossa viseta.

Il team dalla biblioteca

Liebe Leserinnen und Leser. Es freut uns, dass wir auch während der Sommerferien für Sie da sein dürfen. **Ab Montag, 26.6.2023 bis Freitag, 11.8.2023** ist unsere Bibliothek jeweils wie folgt geöffnet: Montag und Freitag von 17.30 – 20.00 Uhr

Ab Montag, 14.8. 2023 (Schulbeginn) gelten wieder unsere üblichen Öffnungszeiten. Wir wünschen Ihnen schöne Ferien und freuen uns auf Ihren Besuch.

Das Bibliotheksteam

Center Fontauna

Reservaziun nova sala el Center Fontauna

La stanza da polisport e seminars nova el Center Fontauna sut la halla da tennis sa vegnir nezegiada naven dil fenadur 2023. La stanza ei adattada per sports da sanadad (p. ex. joga, pilates, fitness da gruppa etc.), per sault ni era per sesidas, seminars etc. Ils prezis e las cundiziuns da reservaziun ein publicadas sin la pagina d'internet <http://www.centerfontauna.ch/reservaziun>. Las reservaziuns annualas pigl onn 2023/2024 predein nus bugen encunter **entochen ils 9 da fenadur 2023** per e-mail sin info@centerfontauna.ch.

Pendicularas Mustér SA

Las Pendicularas Mustér SA organiseschon ina fiera silla piazza dil Catrina Resort.

Cu: **Dumengia, ils 16 da fenadur 2023**, dallas 11.30–16.30.

Haveis Vus interess da vender Vos products? Lu s'annunziei entochen il pli tard ils 26 da zercladur per email tier: e.bundi@catrina.swiss. Per damondas statt bugen Erna Bundi a disposiziun, 081 920 30 40.

Nus selegrein sin Vossa participaziun.
